



Mješoviti Holding „ERS“  
MP a.d. Trebinje  
ZP „Hidroelektrane na Drini“ a.d.  
Višegrad

**O d l u k a**  
**Uprave Preduzeća**

**UPRAVA PREDUZEĆA**

**Broj: UP-09-04/20**

**Datum: 21.02.2020. godine**

Na osnovu člana 8. stav 1., člana 64. stav 1. tačka (b), člana 70. stav 1., 2., 3. i 6. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 85. stav 1., 2., i 3. Pravilnika o javnim nabavkama ZP „Hidroelektrane na Drini“ a.d. Višegrad, broj:UP-09-16/16 od 16.03.2016. godine i člana 57. Statuta MH „ERS“ MP a.d. Trebinje - ZP „Hidroelektrane na Drini“ a.d. Višegrad, provedenog postupka nabavke usluga iz Aneksa II dio B Zakona o javnim nabavkama BiH, na Preporuku Službe za komercijalne poslove, broj: 04-01-172-1/20 od 20.02.2020. godine, u predmetu nabavke usluga – Usluge hotelskog smještaja za učesnike na Seminaru „XXI zimska škola evropskog prava – Zlatibor 2020“, Uprava MH „ERS“ MP a.d. Trebinje - ZP „Hidroelektrane na Drini“ a.d. Višegrad, na devetoj „telefonskoj“ sjednici, održanoj dana 21.02.2020. godine, donosi

**O D L U K U**  
**o izboru najpovoljnijeg ponuđača**

**Član 1.**

Prihvata se Preporuka Službe za komercijalne poslove, broj: 04-01-172-1/20 od 20.02.2020. godine i Ugovor o nabavci usluga – Usluge hotelskog smještaja za učesnike na Seminaru „XXI zimska škola evropskog prava – Zlatibor 2020“, se dodjeljuje najpovoljnijem izabranom ponuđaču Hotel „Palisad“ Zlatibor, Republika Srbija, Ponuda broj: 110094 od 18.02.2020. godine po cijeni u iznosu od 298,09 EUR, odnosno 583,02 KM, sa uračunatom vrijednosti PDV-a.

**Član 2.**

Ugovor o nabavci iz prethodnog člana ponudiće se izabranom Ponuđaču, odmah po dostavljanju ove Odluke.

**Član 3.**

Za izvršenje ove Odluke zadužuju se i ovlašćuju Sektor za ekonomsko-finansijske poslove i Pravna služba Zavisnog preduzeća.

**Član 4.**

Ova Odluka objaviće se na web – stranici Preduzeća istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. i članu 71. stav 2. Zakona o javnim nabavkama BiH. Obavještenje o dodjeli ugovora objaviće se u skladu sa članom 74. stav 2. Zakona o javnim nabavkama.

**Član 5.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama BiH i članu 85. stav 7. Pravilnika o javnim nabavkama.



Mješoviti Holding „ERS“  
MP a.d. Trebinje  
ZP „Hidroelektrane na Drini“ a.d  
Višegrad

**Odluka  
Uprave Preduzeća**

**Obrazloženje**

Predmetna nabavka se vršila po Zakonu o javnim nabavkama Bosne i Hercegovine („Službeni glasnik BiH“, broj: 39/14), podzakonskim aktima koji su doneseni u skladu sa Zakonom i Pravilnikom o postupku dodjele ugovora o uslugama iz Aneksa II dio B Zakona o javnim nabavkama BiH. Predmet nabavke su usluge – Usluge hotelskog smještaja za učesnike na Seminaru „XXI zimska škola evropskog prava – Zlatibor 2020“.

Rok izvršenja usluge: 26.02. – 29.02.2020. godine; Plaćanje: avans 100%; Broj učesnika: 2 (dva). Procijenjena vrijednost javne nabavke, bez uračunatog iznosa PDV - a, iznosi 650,00 KM. Kriterijum za dodjelu Ugovora je najniža cijena.

Na osnovu objavljenog Poziva za dostavu ponuda za nabavku usluga iz Aneksa II dio B ZJN BiH, na web stranici Ugovornog organa [www.henadrini.com](http://www.henadrini.com) od 22. januara 2020. godine i iskazanih potreba Službe za pravne poslove (04-02-45-43/20 od 17.02.2020. godine), Služba za komercijalne poslove je zaprimila Ponudu ponuđača Hotel „Palisad“ Republika Srbija (JIB: 101074633), Ponuda broj: 110094 od 18.02.2020. godine, na ukupan iznos od 298,09 EUR, odnosno 582,02 KM sa uračunatom vrijednosti PDV- a.

Ponuda sadrži sljedeće elemente:

Mjesto izvršenja usluge: Hotel „Palisad – Zlatibor“;  
Plaćanje: avans 100%;

Nakon detaljne analize Ponude utvrđeno je da ponuđene usluge odgovaraju zahtjevima i potrebama Preduzeća, te je preporučeno Upravi Preduzeća da prihvati ponudu i Ugovor o nabavci usluga – Usluge hotelskog smještaja za učesnike na Seminaru „XXI zimska škola evropskog prava – Zlatibor 2020“, zaključi sa ponuđačem Hotel „Palisad“ Zlatibor, Republika Srbija, Ponuda broj: 110094 od 18.02.2020. godine po cijeni u iznosu od 298,09 EUR, odnosno 583,02 KM, sa uračunatom vrijednosti PDV-a.

Iz navedenih razloga, primjenom člana 8. stav 1., člana 64. stav 1. tačka (b), člana 70. stav 1., 2., 3. i 6. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 85. stav 1., 2. i 3. Pravilnika o javnim nabavkama ZP „Hidroelektrane na Drini“ a.d. Višegrad, broj: UP-09-16/16 od 16.03.2016. godine, te člana 57. Statuta Zavisnog preduzeća, odlučeno je kao u dispozitivu.

**POUKA O PRAVNOM LIJEKU**

Protiv ove Odluke može se izjaviti žalba Ugovornom organu u roku od 10 (deset) dana, računajući od dana dostavljanja Odluke. Žalba se dostavlja u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom.

Za Upravu:  
Direktor,

  
Nedeljko Perišić, dipl. ek.

Dostavljeno:

- Upravi,
- Ponuđaču,
- Službi za komercijalne poslove 2x i
- Arhivi.

Oznaka: HED-63

Izdanje broj:03